

全

金

诗

全

金

詩

新訂全金詩增補中州集卷十

琴川崇端許賞無窮山歌音

要金元好問原本

趙秉文二

共五百三十五首從湓水集補入

雜擬

朔風厲嚴氣玄雲結層陰霜雪被原野行李寒駸

駸躑躅獸強顧驚鳥辭故林路滑跼峻坂緣雲上

嶽崙挽藤斷人跡反畏楚然音藜藿不充腸况乃
饑飈侵開門望晴霽白日有照臨不憂凍餒逼所
懷四海心聊興漆室歎不待雍門琴

猗猗竹與桐並生江之潯朝日照孫枝夕風振瑤
林鳳凰天外來飛下玉山岑棲枝食其實氣類無
幽深夔倫不世出斤斧倘見尋一截嶰谷管一製
薰風琴偶蒙識者賞無窮出清音

參齋日無事起坐橫鳴琴明月入我牖照見萬古心

古風不復還中有太古音置琴挂壁上吾道無
古今
戚戚去故里辛苦從軍行黃沙翳白骨麟閣誰功
名西北秋風至日莫愁雲生火燒白草崗水斷黃
河聲天寒馬屯縮仰天爲悲鳴男兒貴死難義重
鴻毛輕南登彫陰坂北望驃騎營注馬千丈坡射
鵬萬里程

西北有高城來往交河道古來征戰地白骨埋秋

草人壽似金石生男不待老不敢上譙樓唯恐愁
絕倒

秦時築上郡漢家事西鄙邊兵塵雨雪血漲黃河
水千秋百歲後魂魄來遊此一誦古戰場悲風來
萬里北風至日莫憑雲坐天熱自華崗水潤黃
豪斟巨炙排九楹玉盤醪醑一再行秦王高歌趙
王瑟屬車天遠邯鄲城侍臣冲冠髮直指秦庭虎
賁劒鋒倚咸陽山色如死灰邯鄲霸氣清於水引

車還避將軍路。叢爾那能持兩虎。君不見世間男
兒健如虎。一旦焉知不如鼠。

秋日郊行

瘦馬兀西風。節物遽如許。雀噪晚禾場。蝶飛秋菜
圃。桑枯竅呼風。槐老皮溜雨。聞聲不見人。隔林搥

社鼓。

初望少室

好山如佳士。洗盡名利塵。對之歛衽敬。可愛不可

全言卷一
親一水刻我骨一石融我神何況三十六峰峰與
天隣仰看青礧礧俯矚白磷磷因之携畫本試寫
蒼然真三日宿其下砥筆不敢皴歸來閉閣臥枕
上山橫陳題詩追所見何必如古人

盧巖

龍潭繞石壁鳥道盤青蒼飛泉從中來聲落讀書
堂左右灑石壁石上含宮商尙疑盧徵君醉騎白
鸞翔至今明月夜飛下青山長去之五百載丘壑

道愈光舉瓢取此水清風益難忘

鳳海龍門

洛陽三日雨不見龍門面流水入野田歸雲抱幽

巘因尋商山眠遂就石樓飯山川宛如昔白傳不

可見

人言過陸渾

言從陸渾去不遇紫芝還鳥飛不盡處夕陽千萬

山雲起動兼靜水流忙更閑坐待石上月滅沒烟

風間

此詩滢水集
古律詩并收

至日感事

人言至日一線長我覺至日一線短縫新綻舊不

如昔身上衣猶慈母線昨日日短猶可長今日衣

敝不可綻年年至日壽北堂親不在堂衣在眼不

遊玉泉山

夙戒遊名山出郊氣已蒙薄雲不解事似妬秋山

高西風爲不平約畧出林稍林盡湖更寬一鏡涵

秋毫披雲冠山頂屹如戴山鼇連旬一休沐未覺
陟降勞高談到晉魏健筆凌風騷玉泉如玉人用
舍隨所遭何以侑嘉德酌我玉色醪

陪趙文孺路宣叔分韻賦雪

堂堂翰林公清癯如令威雪花對尊酒浩氣先春
歸一還天地素平盡山川巖松竹瀉清聲窓戶明
幽輝呼童設茶具巡簷收落霏清寒入詩腸思遶
昏鴉飛力除鹽絮俗改事文章機後生那辦此顰

脩正宜押請看西溪老傳作東坡衣

岢嵐賦雪分韻得素字

閉門三日雪荒城甚無趣土屋多半頽雞犬迷牆

戶雲端高青熒天色易晚莫寒迷日車轍清絕坤

維杵泉藏凍虺蟄松摧老蛟怒餓鳶嚇癡雛饑鴈

跡寒兔野人市樵蘇不辨入市路蹇驢跼峻坂愁

見冰河渡陽衰理必復天地豈終沍佇看黃雲晴

飛屑落高樹

秋風望北山雲參軍贈其父思故鄉客行來歸正

浮雲起太行六合須臾間清風相汲引吹我渡榆

關歲旱不成雨悠然歸故山向來無心出亦復無

心還言入學畏春風愛酒醉吳楚谷中里張鳥不

轉卧井陘韓信廟笑蘇秦人曰天大無匹

朝涉滹沱流驅馬望太行莫投井陘宿僕痛馬玄

黃地瘠斬春色山高易夕陽莫天飛鳥盡佇立向

蒼茫

漸臺行

齊國有四殆漸臺空五層臺城膏血盡鬼力猶不
勝浮雲一蔽臨淄君君王左右多青蠅嫠婦不卹
緯杞國憂天崩任從笑掩侍人口仰天大撫列女
膺一言反掌易春風愛淄澠吳楚各千里飛鳥不
敢凌越以西子亡齊以無鹽興醜興而美亡未易
定愛憎請君寶此圖觀國如延陵

秋懷次高叅軍韻

秋風蕭條秋氣傷歲云莫矣思故鄉客行來歸正
落水雁飛不下空斜陽白草崗頭風似箭黃沙戍
下月如霜聞君近有從軍作愁思與之誰短長

三五七格

秋風清秋月明白露夜深重白雲秋曉輕夢回酒
渴呼童起枕上轆轤三五聲
倣嚴武臨邊

少年騎馬耳生風老去羞無汗馬功落日秋風心

全金言卷一
七
尙壯令人回首望雲中

遊箭山

天風吹雪下平田紛紛逐馬銀杯翻何處清風搖
玉鐸興來不覺過青山山山可望不可攀長河鏡
裏開烟鬟浮雲不見山頂相想是落日孤雲間箭
山峰頭望碣石東南海水不可極六龍賓日半海
紅長鯨駕浪掀天白萬峰回合處九折十三盤一
溪初入山百轉萬壑度盡松聲寒老苔萬古帶石

色枯松倒植蒼苔裂石門劃斷一峰開猶向雲端
眺青壁不見長安許道寧披麻誰繪倚天青天上
謫仙金鑾客削瓜詠此晴嵐碧眼前安得此突兀
想像造化初開闢詩人以來幾人到只說終南與
嵩少他年騎鶴歸蓬萊仰天却笑箭山小山童入
林間傲太白登覽
扁舟過海島風便一日耳咫尺不可期波濤四千
里竭來雞山下共浴桃花湯洗盡塵土骨心期雲